

# SEK. MEN. KEB. LOHAN & SEK. MEN. TEKNIK LIKAS LAWAT SPE

**S**empena cuti sekolah baru-baru ini, Sekolah Perniagaan & Ekonomi menerima ramai pelawat yang kebanyakannya terdiri dari pelajar-pelajar sekolah menengah sekitar Sabah. Antaranya Sek. Men. Keb. Lohan, Ranau dan Sek. Men. Teknik Likas, Kota Kinabalu. Lantaran UMS merupakan salah satu institusi pengajian tinggi yang mempunyai reputasi yang tinggi di Sabah, ianya menjadi inspirasi kepada ramai pelajar untuk memasuki UMS. Maka tidak hairanlah, hampir kebanyakan dari pelajar-pelajar terbabit begitu bersemangat ketika ditanya samada mereka berminat untuk meneruskan pengajian di UMS. Justeru dalam sesi taklimat oleh Pengerusi Kelab Kebajikan/Pensyarah, En. Jainurin Justine memberikan motivasi kepada pelajar-pelajar tersebut untuk belajar bersungguh-sungguh dalam peperiksaan Sijil Pelajaran Malaysia dengan mencapai keputusan yang cemerlang bagi mencapai cita-cita mereka. Kata-kata semangat tersebut disambut dengan tepukan gemuruh oleh rombongan pelajar-pelajar terbabit.

